

RESOLUCIÓN REITORAL DE CONCESIÓN DIRECTA DUNHA BOLSA PARA A REALIZACIÓN DE PRÁCTICAS DO PROGRAMA “CAMPUS RURAL” PARA O CURSO 2024/2025

O Programa Campus Rural é unha iniciativa desenvolvida polo Ministerio para la Transición Ecolóxica y el Reto Demográfico (MITERD), en colaboración co Ministerio de Universidades e as Universidades Públicas Españolas, que permitirá que estudantado universitario de calquera titulación oficial poida levar a cabo prácticas académicas en municipios de ámbito rural con menos de 5.000 habitantes ou aqueles municipios cuxo termo inclúa maior poboación pero con localidades nas que se realizan as prácticas de menos de 5.000 habitantes en zonas rurais con problemas de despoboamento, a través de entidades cuxas dependencias estean situadas nas zonas obxecto da iniciativa, xa se trate de concellos, mancomunidades e outros organismos. Tamén en asociacións, cámaras de comercio ou fundacións sen ánimo lucro e empresas legalmente constituídas.

O programa está integramente financiado polo MITERD e desenvólvese na Universidade de Vigo a través da Resolución reitoral de 2 de abril de 2025 pola que se convocan bolsas de prácticas do programa “Campus rural” dirixidas ao estudantado da Universidade de Vigo para o curso 2024/2025.

Unha vez adxudicadas as bolsas por Resolución reitoral de 26 de maio de 2025 quedan 11 prazas vacantes e estudantado candidato ao que non se lle asigna ningunha praza por non existir vacantes do seu perfil nas entidades solicitadas.

Co obxecto de executar o máximo posible o orzamento previsto, resulta oportuno adxudicar nunha segunda fase praza e bolsa á persoa que non obtivo bolsa e que pode ser recolocada nalgunha das entidades vacantes. Ademais dada a premura da data na que deben iniciarse as prácticas non resulta viable iniciar un novo procedemento de concorrencia competitiva.

Unha vez vista a *Lei 9/2007 de subvencións de Galicia*, as disposicións aplicables da *Lei 38/2003, do 17 de novembro, xeral de subvencións* e as súas normativas de desenvolvemento.

En virtude das facultades que lle outorgan a *Lei orgánica 2/2023, de 22 de marzo, do sistema universitario* e o artigo 72 do *Decreto 13/2019, do 24 de xaneiro*, polo que se aprobaron os Estatutos desta universidade,

Esta Reitoría resolve conceder con carácter excepcional en réxime de concesión directa, en atención ao interese público e social do seu obxecto, unha bolsa de acordo co disposto na *Lei 38/2003, de 17 de novembro, xeral de subvencións*, e coas seguintes bases:

Obxecto

O obxectivo que se persegue é que o estudantado universitario de calquera titulación oficial poida completar a súa formación mediante a realización de prácticas académicas, tanto curriculares como extracurriculares, no ámbito rural, en zonas con problemas de despoboamento, residindo no mesmo, coñecendo en profundidade e convivindo e colaborando coa súa xente, de modo que poidan velo como un lugar de oportunidades para o desenvolvemento do seu futuro profesional.



Procedemento de concesión

A bolsa regulada nesta resolución reitoral ten carácter singular, polo que se autoriza a súa concesión directa en aplicación do previsto nos artigos 22.2.c) e 28 da *Lei 38/2003, de 17 de novembro, xeral de subvencións*, por concorrer razóns de interese público e social.

1. Os requisitos que se teñen en conta son:

- a. Estar matriculado en titulacións oficiais de grao ou máster universitario da Universidade de Vigo no curso 2024/2025 de conformidade cos perfís definidos no anexo II.
- b. No caso de estudos de grao, ter superados 120 créditos da titulación de grao na que se atopa matriculado, a estes efectos terase en conta o último día do prazo de presentación de solicitudes.
- c. Estudantado de PCEO deberá ter superados o 50% dos créditos da titulación.
- d. Ter solicitado bolsa para a realización de prácticas do programa “Campus Rural” para o curso 2024/2025 e non ter acadado praza.

Será beneficiario desta bolsa **Flavio Vicente Rodríguez**

2. A selección foi efectuada pola comisión composta por:

Presidenta: Natalia Caparrini Marín, vicerreitora de Estudantado e Empregabilidade

Vogais: - Maruxa Álvarez Jiménez, directora da Área de Emprego e Emprendemento

- Reyes Fernández González, técnica superior en Orientación Laboral

- Rosa Graña Costas, xefa do Servizo de Axudas ao Estudo, Bolsas e Prezos Públicos

Non poderá ter a condición de beneficiaria a persoa na que concorra algunha das circunstancias establecidas no artigo 13.2 da *Lei 38/2003, de 17 de novembro, xeral de subvencións*.

Período de realización e duración da bolsa

1. O período de prácticas terá unha duración de 2 meses, e desenvolverase dende o 1 de xullo ao 31 de agosto, coas condicións descritas no anexo II para a “práctica 2 Agrupación Musical do Rosal”.
2. O número de horas de colaboración será de 35 horas semanais, que poderá distribuír e compensar ata un 20% das horas de dedicación dun mes entre distintas semanas dentro do mesmo mes.
3. O gozo da bolsa suporá a aceptación do previsto no *Real decreto 1493/2011, do 24 de outubro*, polo que se regulan os termos e as condicións de inclusión no réxime xeral da Seguridade Social das persoas que participen en programas de formación. As prácticas estarán suxeitas ao establecido na normativa de prácticas da Universidade.
4. As persoas bolseiras non adquiren ningunha relación contractual, administrativa ou estatutaria coa Universidade de Vigo. A bolsa non supón ningún compromiso de cara á posterior incorporación do bolseiro ou bolseira aos cadros de persoal da universidade.



CSV : GEN-b78d-ccbc-fa2f-74ab-f213-fce2-8702-5b62

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : NATALIA CAPARRINI MARIN | FECHA : 11/06/2025 08:51 | NOTAS : F

Dotación, contía e pagamento

1. A contía individual será como máximo de 1.000 euros/mes. Estará suxeita á retención do IRPF e ás obrigas de cotización á Seguridade Social (cota obreira) que establece a normativa vixente nestas materias.
2. O pagamento farase por meses vencidos mediante transferencia á conta bancaria que sinala a persoa estudante na súa solicitude e da que deberá ser titular. No caso de que non chegara a completarse o período da bolsa só se aboará a contía proporcional correspondente ao período realizado.

Incompatibilidades

A bolsa é incompatible coa existencia de relación contractual de tipo laboral, de prestación de servizos ou asimilable con empresa, institución ou entidade algunha no momento de desenvolvemento das prácticas.

Obrigas da persoa beneficiaria:

1. Residir no municipio no que realice as prácticas ou, de non ser posible, en municipios de similares características sitos a unha distancia non superior a 20 km, co visto bo da universidade.
2. Cumprir a normativa vixente relativa ás prácticas externas establecida pola universidade.
3. Cumprir o contidos das prácticas seguindo as indicacións da persoa titora asignada pola entidade participante baixo a supervisión da persoa da universidade que exerza como titora académica. Así mesmo deberán manter contacto coa titora académica e comunicarlle calquera incidencia que exista durante o desenvolvemento da práctica.
4. Incorporarse a entidade na data acordada, cumprindo o horario previsto no proxecto educativo e respectando as normas de funcionamento, seguridade e prevención de riscos laborais da mesma.

Cumprir as obrigas recollidas no artigo 14.1 da *Lei 38/2013, de 17 de novembro, xeral de subvencións*, que lles sexa de aplicación.

Reintegro da axuda e perda do dereito de cobro total ou parcial

Son causas de reintegro e perda do dereito de cobro destas bolsas:

1. Non cumprir os requisitos e obrigas recollidas na convocatoria.
2. Ocultar datos, alteralos ou manipular a información solicitada.
3. Incurrir nalgunha das causas de incompatibilidade establecidas nesta convocatoria.

A persoa beneficiaria que incorra nalgunha destas causas está obrigada a reintegrarlle á Universidade a cantidade indebidamente percibida.



7. Transparencia

1. De conformidade co artigo 17 da *Lei 1/2016, do 18 de xaneiro, de transparencia e bo goberno*, e co artigo 15 da *Lei 9/2007, do 13 de xuño, de subvencións de Galicia*, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que puideren impoñerse, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

2. En virtude do disposto no artigo 4 da *Lei 1/2016, do 18 de xaneiro, de transparencia e bo goberno*, as persoas físicas e xurídicas beneficiarias de subvencións están obrigadas a subministrar á Universidade de Vigo, logo de requirimento, toda a información necesaria para o cumprimento por aquela das obrigas previstas no título I da citada lei. Porén, non será necesaria a publicación cando o órgano que concede xulgue que se dan as previsións do artigo 15.2.d) da *Lei 9/2007, do 13 de xuño, de subvencións de Galicia*.

8. Protección de datos

Os datos persoais recollidos no expediente de tramitación teñen carácter obrigatorio e serán tratados pola Universidade de Vigo para a organización da formación, así como para o exercicio das demais funcións propias do servizo público de educación superior reguladas na Lei orgánica de universidades e nos Estatutos da Universidade.

Información sobre a política de protección de datos en

https://www.uvigo.gal/sites/uvigo.gal/files/contents/paragraph-file/2019-11/Texto_%20proteccion_datos_para_CONVOCATORIAS_bolsas.pdf

Contra esta resolución, que esgota a vía administrativa, poderase interpoñer recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998, do 13 de xullo, reguladora da xurisdición contencioso administrativa*.

As persoas interesadas poderán optar por interpoñer contra esta resolución recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da *Lei 39/2015, de 1 de outubro, do procedemento administrativo común das administracións públicas*.

En Vigo na data da sinatura electrónica

O reitor

Por delegación RR 30/05/2024 (DOG 10/06/2024)

A vicerreitora de Estudantado e Empregabilidade

Natalia Caparrini Marín



ANEXO II CAMPUS RURAL 2025

Datos da empresa	
Nome ou razón social da entidade colaboradora:	Agrupacion Musical do Rosal
Tipo de entidade:	Asociación
Perfil do estudiantado solicitado	
Titulacións ás que vai dirixida a oferta (máximo 5):	- Grao en Educacion Primaria - Grao en Educacion Infantil
Coñecementos recomendables do alumnado solicitante:	Valorarse a mención en educación musical e o título de monitor/a de ocio e tempo libre
Tarefas a realizar:	Colaboración no campamento de verán e en actividades con nenos/as
Datos da práctica- Práctica 2	
Lugar de realización das prácticas	O Rosal
Data de inicio das prácticas:	15/5/2025
Data de finalización das prácticas:	15/9/2025
Flexibilidade no mes de inicio e remate:	Si
Existe algún mes do período de prácticas pechado por vacacións:	Non
Horario de realización das prácticas:	09:00-14:00
A localidade onde se realiza a práctica conta con aloxamentos para acoller ás persoas estudantes?:	Si
En caso afirmativo indicar o nome	Alugueiro particular
En caso afirmativo, indicar o prezo aproximado diario:	15 €
A entidade pode facerse cargo de buscar aloxamento para facer a práctica?	Si
A entidade pode ofrecer gratuitamente o aloxamento á persoa estudante para poder realizar a práctica?:	Non
A persoa estudante recibirá da empresa unha contribución en especie durante o período de prácticas?:	Non
En caso afirmativo, indicar que tipo (comida, transporte aloxamento...):	
En caso afirmativo, valore economicamente a contribución en especie	
Vehículo propio	Recomendable

Código seguro de Verificación : GEN-b78d-ccbc-fa2f-74ab-f213-fce2-8702-5b62 | Puede verificar la integridad de este documento en la siguiente dirección : <https://portafirmas.redsara.es/pf/valida>



VICEPRESIDENCIA
TERCERA DEL GOBIERNO
MINISTERIO
PARA LA TRANSICIÓN ECOLÓGICA
Y EL RETO DEMOGRÁFICO



CSV : GEN-b78d-ccbc-fa2f-74ab-f213-fce2-8702-5b62

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : NATALIA CAPARRINI MARIN | FECHA : 11/06/2025 08:51 | NOTAS : F

